

# ARUBA ANSE COURANT



Diario



pa Aruba

DRINK ALWAYS  
ORANGE CRUSH

from  
Tropical Bottling Co.  
call: 1773

Instala aireacondi-  
cionado na Bo-  
cas AWOR!



tel. 2170

ANJA 21

DIAMARS 26 DI JANUARI 1960

Nr. 3645

## Tiramentu sangriento ta tumando luga na ARGELIA

Paris 25 jan. — Ajera situacion na Argel a bira serio di repente. Elementonan nacionalista di origen Frances a cuminsa un incidente serio, cu a culmina ajera noch den un tiramentu sangriento, costando bida di 19 hende. Como 140 otro hende a hanja herida. Estado di sitio a worde proclama na Argel.

E autoridadnan militar a kibra tur comunicacion cu Francia.

Awe mainta como 7000 demonstrante a buta barricada den centro di Argel. Tin un welga general.

E ministro frances di informacion, Roger Frey, kende a duna prensa informacion awe mainta, a bisa cu por comparti e hacinan di desordun na Argel na dos grupo. E prome grupo ta worde dirigi pa Pierre Lagailarde y ta worde forma particularmente pa estudiantenan, cu a ocupa e universidad.

E otro grupo a buta barricada rond e edificio di "Compagnie Algerienne", no leu for di e plein grandi di Argel y nan ta ocupa e edificio ey.

E ministro a bisa cu cada grupo ta consisti di como 500 homber. E mi-

litaman ta worde tene na nan colocacionnan por lo pronto, pa stimula restauracion di tranquilidad. Nan a trece fortificacion.

Na Oran tambe nan a proclama un welga general. Sobra di Argelia ta tranquil.

Awe mainta prome ministro Michel

### Roger Drey respectu politica Argelino

PARIS, 25 januari. — E presidente di e republica y gobierno ta determina, cu nan lo sigui e politiek argelino cu nan a determina, pa restaura tranquilidad publico, mas liher posible, asina e ministro frances di informacion, Roger Frey, a bisa awe tardi den un declaracion por escrito, cu el a lesa despues di un asamblea di conseho frances di ministronan.

Pa e motibu aki instrucionnan a worde duna na e delegado general di gobierno y na e comandante supremo na Argelia.

### Adenauer a regresa Bonn

BONN, 25 januari. — Cancellier Adenauer di Alemania Occidental a regresa pa Bonn awe, despues di a bishita Roma na unda el a tene discusion cu lideran italiano. El a bisa cu e discusionnan tabatin "hopi exito".

Debre di Francia tabatin un entrevista cu general Paul Ely, hefe di estado general frances.

Na Francia nan a prohibi reunionnan publico indefinitivamente. Gobierno ta mantene comunicacion continuo cu Argel.

### Dia viernes Henry Cabot Lodge lo bishita Rusia

NEW YORK, 25 januari. — Henry Cabot Lodge, representante permanente mericano cerca Nacionnan Uni, lo sali for di New York diabiernes, pa haci un bishita oficial di 2 siman na Rusia.

### Declaracion di Prins Bernhard su viaje

na Mexico i Antillas Neerlandes

DEN HAAG, 25 januari. — S.A.R. Prins Bernhard a yega Schiphol awe tardi, for di su biaha pa Mexico y "Antillas Hulandes". E Prins a declara durante un conferencia cortico di prensa, cu el a ricibi un impresion favorable di desarollo, cu a tuma lugar na Antillas Hulandes desde su ultimo bishita na 1955. E cajan na medio, tin dos hotel moderno grandi, turismo ta aumenta y e industrializacin ta continua pa extende e econo-

mia di Antillas, cu ta depende mucho unilateralmente riba zeta.

E Prins a bisa tocante Mexico, cu ta existi hopi posibilidad grandi ainda pa industria hulandes. Mexico ta favorece establecimiento di companianan estranhero cu capital mixto. Un gran cantidad di ramo di industria no tin cu tene miedo di concurrencia di industria mericano, asina e Prins a bisa.

### Interrupcion di un programa clasico na radio Argel

ARGEL, 25 januari. — Radio Argel a interrump un programa di muzik clasico awe tardi, pa informa, cu "status quo" den vecindario di universidad y na e plein grandi di Argel, a keda mesos. Tin hopi trupa den caja, mayoria parti di nan di paracaidistanan, y nan ta mantene tranquilidad den centro di ciudad.

### Telegram di Ant. Verffabriek

na su S.A.R. Prins Bernhard

WILLEMSTAD, 25 januari. — Directiva di Antillanese Verffabriek a manda e siguiente telegram pa S.A.R. Prins Bernhard:

"Directoran y comisionan di Antillanese Verffabriek ta expresa nan gratitud profundo na Su Alteza Real, pa butamentu di prome piedra pa nan fabrica. Su Alteza Real a precepe nan na un manera experto inolvidable, den e trabao cu ta spera nan, dunando ayudo pa mesel desarollo di Antillas Hulandes."

### R.V.D. ta informa

S.E. Gobernador a ricibi un telegram di S.A.R. Prins Bernhard en relacion cu e telegram di despedida cu el a manda, pa S.A.R.

E telegram di S.A.R. ta bisa: "Danki cordialmente pa bo bon deseoan. Mi ta gradici un biaha mas abo, bo famia y tur esnan cu a percu cu nos bishita tabata asina agradable."

Bernhard".



Senior Fuhrmann ta entrega e statuutpenning di oro na Prins. Den center ta gobernador Speekenbrink.

### PRINS A RICIBI STATUUTPENNING DI ORO

WILLEMSTAD — Den palacio di gobernador na Willemstad, senior Ch. E. Fuhrmann na number di N.V. Spritzer & Fuhrmann a entrega na prins Bernhard un chequero di e statuutpenning di oro. E prins a ricibi e penning aki como regent di Bernhardfonds, un institucion cu ta haya e probeho total di benta di e penningnan menciona. Gobernador Speekenbrink y Fuhrmann tabata presente na entrega di echeuero aki. S.A.R. Prins Bernhard a keda masha agradecido cu e regalo. E la informa detalladamente tocante e proyectacion y tocante diferente aspectonan comercial di e firma Spritzer & Fuhrmann.



Durante bebementu di koffie na Hotel Curacao Intercontinental Prins a entretene varios ratu cu Sr. C.C. Steensma, director di Empresa Caribe di KLM. Ta Sr. Steensma a sinja Prins Bernhard maneha aeroplano.

### Dia 22 di februari Eisenhower lo sali Washington

WASHINGTON, 25 januari. — Presidente Eisenhower lo sali for di Washington dia 22 di februari, pa bai Sur America, asina su secretario di prensa, James Hagerty, a informa awe. Hagerty a caba di bishita e varios ciudadnan cu e presidente lo bishita.

Prome etapa di e biahe presidencial lo ta puerto Rico, na unda e presidente la pasa anochi di dia 22 di februari. Despues lo e bai Brasilia, na unda e parti oficial di su bishita na Brazil lo cuminsa.

E programa oficial di Eisenhower su biahe no ta cla ainda y tin discusion cu e gobiernonan di paisnan cu el lo bishita, pa determina e detalletan di e varios bishitanan di presidente y sra. Eisenhower.

Presidente Eisenhower probablemente lo pasa un dia na Puerto Rico prome cu e bai Washington bek, despues di su bishitanan.

### JUBILEO DI SOEURNAN DOMINICANA NA SAN NICOLAS 26 Y 27

SAN NICOLAS — Completamente aparte di tur e otro programanan na ocasion di e conmemoracion di e soeurnan Dominicana cu a hasi tantu trabao pa Aruba, San Nicolas lo celebra un fiesta na su manera awe y mayan. Particularmente tin un santo sacrificio solemn den misa St. Theresia, na un da soeurnan di Maria Convent lo asisti.

Dia 27 (mayan) pa 9'or di mainta tin un homenage na honor di e soeurnan den curra di school di St. Filomena College. Sra. B. de Vries-Aijkman dirigi e fiesta aki. Siguramente lo tin algun orador, por dirigi palabranan y tambe soeurnan por gosa di un vlogeparade, baile di cinta, canto y riddans, entrega di regalo, demostracion di gymnastiek y hopi otro mas.

Esaki sigur ta bira un fiesta inolvidable, esaki nos conoci caba di pastoor Erkamp y su cooperadonan.



ORANJESTAD —

### Problema

Dia 20 u.p. cu nan tabata prepara pa descarga "Niagara" a resulta algun problema. J.O.M. cu tabata bau di influencia di alcohol a comportel mal cu un poliz. Nan mester a hibe el warda na unda e mester a keda te ora e bini bij.

### B.H. molesto na Soc. Zaken

Di kantoor di Soc. Zaken nan a pidi yudanza di poliz diarazon siman pasa, na unda un tal B.H. a camina drecha bon burachi y tabata molesto. Polisnan a dirigi e homber pa su cas y asina pronto e clima agradable den e departamento ayi a bolbe trobe.

### Accidente na Tanki Flip

F. R. a bira boca bau cu su auto A-4974 banda di Tanki Flip. No tabatin herida personal. Motibo: Bau influencia di alcohol y coriendo cu muchu velocidad. E auto a keda hopi destrui.

### Choke den Arendstraat

Diahuebs atardi un cuarto pa cinco D.C. a corre dal den un poste di luz den Arendstraat. E barjo basta ora largu a keda den seguridad y e chofer semper sin e auto ayi mas. E auto a keda total loss (f. 5.000.—).

### Perde

Haime Yazaragay di Nassaustraat 107 a perde su portemonnaie conteniendo f. 12.80 y su rijbewijs.

### Colision

Diabierna mainta e auto A-6066 cual R.M. tabata stuur a dal cu e motocicleta A-39 cual M.J.G. tabata corre den Bernhardstraat banda di Charlie's Garage. E homber riba e motocicleta a hanja basta golpi.

### No tin cambio

Den e cruzamentu banda di Wayacka Club na San Nicolas no ta yega fin na e desgracianan di auto (y nada ta worde hasi tampoco pa evita e ac-

cidente nan aki. Nos ta warda e prome mortuonan?

Diabierna e autonan A-421 y A-288 a dal den otro basta fuerte. E chofernan tabata resp. W.R.H. y C.R. E auto di H a keda total loss y esun di R. danjo di f. 25.— Sra. H. mester a worde hiba pa San Pedro Hospital cu herida na cabez. Probablemente aki ta tur dos e chofernan tin falta.

### FATUM — Tel.: 1845

Pa tur bo aseguronan

### Biba libertad

Tabata loka dos victiman di un accidente di auto cu tabata den hospital pa tratamentu a pensa ora cu nan a baha na catuna. Pero polis a hanja nan riba caminda cu ta bai pa Seroe Patrisi.

### Candela

Den curra di un cas na Sabanastraat no. 40 un caha a pega candela diabierna u.p. cual e habitantenan mes a logra paga, prome cu e brandspuit a alanza. Recherche ta investiga e motibu di e candela.

### Hanjo

Zuster Aletta ta informa polisnan cu un di su muchanan a hanja placa

banda di San Pedro Hospital. E zuster tin e placa pa e persona cu a perde e placa aki. Elouise Peters di V.N. 151 a perde f. 510.— mara den un lensu blanco. Ta placa di benta di biljechi y segun e dama e mester a perde e placa aki den Theaterstraat of den Mainstreet. Kende ta salba Elouise? E ta den gran dificultad cu perdemento di e placa aki. Kende?

### GOBERNADOR Y OBISPO NA HUBILEO DI SOEURNAN

ORANJESTAD — Mientras tanta a worde anuncia cu Su Exe. Gobernador A. B. Speekenbrink y S. Exe. Mgr. J. Holtermann tur dos ta bini Aruba dia 6 di februari, pa ta presente na ocasion di celebracion di e hubileo di e soeurnan Dominicana. Actualmente e comite ta trahando duro riba e programa di fiesta.

### REUNION ANUAL DI CAMERA CLUB APLAZA

ORANJESTAD — E reunion anual pa miembronan di Aruba Camera Club, cual tabata planea pa tuma lugar dia 26 (awe) no ta sigui. E reunion aki a worde aplaza y lo tuma lugar awor dia 2 di februari p.v. E lugar di reunion ta e mesun caminda cu anteriormente a worde anuncia, esta Centro Cultural.

### ST. THOMAS TA CELEBRA CARNAVAL

ORANJESTAD — Tambe R.K. Onderwerzenvereniging St. Thomas ta participa den carnaval e anja aki. Nan fiesta ta principia dia 19 di februari den Basi Rutii.

### RE-APERTURA DI STRAND HOTEL DEFINITIVAMENTE DIA 29

ORANJESTAD — Awor ta definitivamente cu dia 29 di januari ta e dia cu nan a stipula pa re-apertura di e Strand Hotel, cual awor ta bini Aruba dia 6 di februari, pa ta presente na ocasion di celebracion di e hubileo di e soeurnan Dominicana. Actualmente e comite ta trahando duro riba e programa di fiesta.

### DIRECTIVA NOBO "LeVe COLEGIO ARUBANO"

ORANJESTAD — Diasabra u.p. miembronan di Colegio Arubano a tene un reunion pa elij nan directiva nobo pa re-emplaza e directiva provisional cual a tene e club den marcha durante ultimo seis lunanan.

Candidatonan pa directiva tabata: Rudolf Rijke, Ronald Petronia, Mildred Croes, Frans van Dijk y Vera Zaandam. Na e eleccion aki cada klas a agrega un candidato mas.

E directiva nobo cu a worde elij ta lo siguiente: presidente Ronald Petronia y miembronan Andresito Bakker,

Freddie Wever, Rudolf Rijke, Ramon Dandare, Jan Veneman, Miguel Mansur y Ramon van Heter.

Como cu lastimamente ningun mucha muher a worde elij den e directiva aki, riba proposicion di e maestronan di school nan lo elij un mucha muher aserca.

E prome reunion di e directiva ta pa trata tocante: Carnaval!

### SUB-COMITE DI CARNAVAL DI MUCHA

ORANJESTAD — E sub-comite di C.C.C.-Aruba, cual lo ta encarga specialmente cu organisacion di e carnaval di muchanan pa dia 21 di februari den Lago Sport Park, ta forma door di siguiente personanan: presidenta sra. McDonald y miembronan sra. Helen der Meer, sra. St. Aubyn, sra. Van Blaricum y sra. Niel. E reina di carnaval di muchanan cu sali elij, lo ser coronadoor di e prins di carnaval (e prins grandi). Tur mucha di Aruba por participa den e eleccion pa e Prins di Carnaval di muchanan y e reina di carnaval di muchanan.

### MOOLIGHT PIC NIC DI "Y" DIA 13

ORANJESTAD — Y's Men's Club ta organisando un moonlight party pa dia 13 di februari p.v. E lugar na unda e fiesta aki lo para ta na Miramar Club na Parkietenbos. Un euminda special di pic nic lo worde ofrece na esnan cu ta di fiesta (si nan a paga na f. 5.— por lo menos). Tin ocasion pa baila di 8'or te ocho ora despues.

E musica ta den man di "Gunstingers", esaki ta un steelband. Esaki si ta bira un fiesta!

**VICTORIA SODAWATER**  
de uitgelezen mixture voor Uw longdrinks  
**VICTORIA BOTTLING Co.**  
phone 5192







# Durante inauguracion oficial di Cerveceria Antillano



Gobernador Speekenbrink ta bebe e prome glas di cerbes "oficialmente" di Cerveceria Antillano. Algun momento prome Prins a yena e prome vat di cerves. Un poco cerbez a spat riba su panja, pero e prins a hari huntu cu tur hende. E tambe a bebe su glas di Amstel cual sigur e la merece

## TABATA NO HIT NO RUN PA ESTEBAN MADURO

(Di nos sportreporter)

ORANJESTAD — Ayer tardi nos wordo informa, cu despues di e partido di Little League dia Domingo, anadador oficial Sr. Godett a conferencia cu e chieftempire Luta Panphlet debi na cu tabata tin algun re-lamo tocante e batizo di Miro de Kori conecto den e quinto inning contra di pitcher Esteban Maduro, kende e na e momento ey tabata lanzando un wegá perfecto. For di e conferencia aki a yega e conclusion cu e roller conecto di frente pa e segundabase Reggie Oduber tabata un error di e ungador aki y no un hit. Den nos dicion di ayera ya nos a comenta toante esaki ya cu tambe na nos paecer e rolling no tabata tanto difícil tanto fuerte pa e wordo carga como "hit". Awor cu e anadador oficial aambia su decision e partido lanza

door di Esteban Maduro a bira un no hit, no run.  
Ta e promer di e actual campeonato, pero ta un coincidencia cu e dos partidonao cu te ainda den historia di Little League na Aruba a wordo duca door di dos lanzador di Adams Chiclets. Anja pasa tabata e estelar zardo di Sta. Cruz, Carolina, kende tabata tin practicamente completamente pa su so e encargo di hiba Chiclets na e titulo di campeon.  
Pero e anja aki Chiclets a demostra cuba di tin-dos pitcher capaz. Mai Maduro contra di Lions a lanza un two-hitter sin permiti carrera y awor Esteban Maduro contra di Arrow a lanza un no hit, no run. Sin duda alguna e peloterionan aki di Sta. Cruz ta decidido na mantene nan mes como campeona di nos isla den Little League.

## AUSTRIA TA HUNGA MAJAN Y NO DIAHUEBS!!

(Di nos sportreporter)

ORANJESTAD — Segun nos a wordo informa ayera tardi door di e president di AVB sr. Uro van Breet, confirmacion a ser ricibi cu e onena Europeo Austria cu ta haciendo un hira den Sur America lo hunga na Aruba. Originalmente e fecha di e partido tabata senja pa dia hubeis 28 di Januari, pero debi na e presentacion di Louis "Satchmo" Armstrong

den Lago Sport Park, directiva di AVB correctamente a busca di cambia e fecha. E casualidad tabata cu na Corsow tabata milior pa e equipo di Austria hunga diahuebs na luga di diarazon. Asina a bin eia cu Austria lo hunga majan, diarazon anochi na Aruba y luego na Corsow.

Lo ta un gran prueba pa e onena Arubiano cu promé lo sail pa Cuba pa participa den e noveno campeonato Centro-Americano y del Caribe.

Sin duda algun teniendo na cuenta e bon wegá cu e seleccion di Aruba a duna diasabra pasa contra di Corsow, lo asisti un numeroso publico pa presencia e match contra di Austria.

## SOFTBALL FEMENINO PA AWE NOCHI

(Di Nos Sportreporter)

ORANJESTAD — Un double-header tin anuncia pa we nochí perteneciente na e campeonato femenino di softball. E promer encuentro lo ta entre Aruba Jrs. y Skyscrapers, mientras cu den e segundo Braves lo midi forza cu Caribe. Hunto cu Dakota, Aruba Jrs. ta ocupando e tercer puesto den e tabla di posicion, mientras cu Skyscrapers ta den ultimo puesto sin obtene un victoria ainda. Braves ta den puesto number cuatro, mientras cu Caribe ta den penultimo puesto.

## Cumpleanjos

E gentil caballero Mario Asinto Deluio a cumpli 17 anja y ta ricibi felicitacion di su onena Marie, tata Sinto, papi-nina Anisette, Violeta, Jose, Modardo, 27 sobrinanan, wela Dorothea, tantanan Inea, Baharita, especialmente di su onno Pedro Everon, onna Willy Everon, amigonan Roberto, Pablo, Idelio, y denas familia Werleman y Henriquez, Deluio, Pereira, especialmente di Lica Werleman.

Felicitacion ta bay awe pa e hobencito Frank Loopstok, pa papi di su niana Maria, tata Julio, rumannan Juho, Feliciano, Magriet, Malki, su amiguitonan Cherry, Nemencio, tambe di su pepe Felicia Franken.

## YAMAMENTO NA E PELO-TERONAN HUBENIL DI ARUBA

(Di Nos Sportreporter)

ORANJESTAD — Di directiva di Amateur Baseball Bond Aruba nos a ricibi e siguiente informacion. Tur hungador cu na Augustus 1960 no a cumpli e edad di 19 anja ainda ta wordo suplica pa asisti na e practicanan cu ta wordo teni cu coneccion cu e mandamento di un seleccion hubenil na e Campeonato Internacional cu lo wordo teni na Caracas.

Bag direccion di Agapito Mayor e practicanan aki lo ta. Tur diaMars y diaHuebs atardi lo tin practica den Wilhelmina Stadion, mientras cu diasabra atardi lo wordo practica riba e tereno di Heineken's na San Nicolas. Durante e luna aki, februari y mitad di maart tur hungador di baseball cu ta cumpli cu e seleccion requisito di edad por bai practica. No a wordo yama ningun hungado especial pa practica, es decir kende cu ke muestra su habilidad ta welkom.

Agapito Mayor lo word casisti door di Roy van Putten.

Curso pa coach y manager  
Na e personanan cu ta interesa den sigi un curso pa coach y manager ta wordo suplica di inscribi nan mes sea cerca e Sportleider Roy van Putten of cerca Sr. Johnny Oduber, secretario di ABBA. E curso aki lo wordo duna door di van Putten den e caso cu tin suficiente interes.

## CURRENT INTERRUPTION

The N.V. Electriciteit-Maatschappij "Aruba" informs her customers living in the surroundings of:

Braziel - Weg Serio Blanco - Rooi Master - v/d Bossesstraat - Jarmansstraat - Schravenhorststraat and PALISIAWEG

that the electric current will be interrupted for urgent repair work on Wednesday January 27, 1960, from 7 AM to 12 AM.

N.V. ELECTRICITEIT-MAATSCHAPPIJ "ARUBA"

## Agenda

ARUBAANSE COURANT  
Diarazon cu excepccion di diasomingo  
Caja pa N.V. ARUBAANSE COURANT: EN VITROVERE, 88 PUBLICITEITS MA. Mensuier: 26. 0.00.00. Aruba N.A.  
Suscripcion / 2. — paga adianta Edicion questo 20 ct  
Telefon: 1110 Directiva y anuncio 2110 Redaccion y suscripcion  
Directeur-Redactateur: G. J. Staaljes  
Imprenta na N.V. Bruckertijl "De Sted"

## CINE

Diamars 26 di Januari  
DE VIER 8.30 "The Nun's Story" Audrey Hepburn - 8.1  
RIALTO 8.00 "La Casa del recuerdo" Libertad Lamarque - 16 J.  
PRINCIPAL 8.00 "Run silent, run deep" - 8.1  
AURORA 7.30 "Andy Hardy comes home" - 8.1  
SAVANNA 7.30 "Shot gun" Sterling Hayden - 18 J.

## JEUGDCENTRALE "LA SALLE"

Dinsdag 26 Januari 1960  
Start 5 p.m. Volleyballtraining  
Sint Jansbasisschool (Santa Cruz): 4.30 p.m. Volleyballtraining & 6 p.m. Muziekles  
7.30 p.m. Ping-pongtraining A en B-klasse  
8.30 p.m. Basketball: Estrella - Saes la Lago Sportpark.  
Sint Jansbasisschool (San Nicolas) 5 p.m. Zang les: 5 p.m. Tenzelrepetitie.  
Rapido (Savonette) 5 p.m. Training B.  
Tropien: 6.15 p.m. Junioren Zangrepetitie.

## POSTSLUITINGEN Dinsdag

Caracas 15.30, Curacao 10.00-18.00, Maracaibo 15.30, New York 8.00, Suriname 16.00.

## TAORO-GUYABA Juice

## RADIO KELKBOOM

Diamars 26 di Januari  
11.30 Opening  
11.31 Musica Varia  
12.00 Lunchmuziek  
12.10 Noticias local na Pap.  
12.25 Nieuwsberichten  
12.45 Noite Americana  
12.53 News in dutshell  
1.00 Musica varia  
1.30 Fin di transmision.  
4.00 Rancheras  
4.30 Noticias na Pap, Goksal-polls y dep.  
4.45 Cocktail musical  
5.00 Musica cu Lucho Gatica  
5.15 Un progr. cu Conjunto Casino  
5.30 Un programa cu acordeon  
5.45 Calypso  
6.00 Programa di Nutricia  
6.15 Temple anjos felix  
6.30 Dinnermuziek  
7.00 Noticias na Pap.  
7.15 Musica varia  
7.30 Musica Hulandes  
7.45 Nieuwsberichten  
8.00 Talentencursus aangeboden door Aruba Boekhandel  
8.15 Lagrimas de una madre  
8.30 Musica cu Carlos Argentino  
8.45 Musica cu Anonio Ma. Romeu  
9.00 Musica, poesia y composicion Antillana  
9.30 Peliculas  
10.00 Sluiting.

## VOZ DI ARUBA

Diamars 26 di Januari  
06.00 Apertura  
06.03 Nos oracion di mainia  
"The Lord's prayer"  
06.05 Dushi amancera na Aruba (Semi-classic music)  
06.15 Viana Auto Supply Co. brings you News in English: C. P. J. Celaire  
06.30 Popular Instrumental: Melodias  
06.45 Mananita Antillana  
07.00 Canciones de amor dedica na oyentenan na exterior  
07.30 Aruba Trading Co. ta presenta

"Saludos Musical di Limacel"  
8.15 "Adriana Arends L."  
8.45 Parada Internacional  
08.00 Melodias Instrumental  
08.13 Popular American Melodies  
08.30 Viana Auto Supply Co. brings you "News in English" C. P. J. Celaire  
08.45 Ecu di Madrid  
08.50 Cantares de Papafia  
09.13 E artista di sima a cargo di "Carmen Della Dignia"  
09.30 E orguesia are a cargo di "Luis Afearas y su orquesta"  
09.45 Musica Popular  
10.00 Colgate-Palmolive presenta un novela "La Desnuda"  
10.30 Fuente Musical  
11.00 Melodias Popular  
11.13 Melodias Americanas y mercuriales  
11.30 Popular American Melodies  
11.43 Rock and Roll  
12.00 Muziek uit Nederland  
12.13 Victoria Bolinas Co. biedt U "Nieuws in het Nederlands"  
o.l.v. Jos v.d. Schoot  
12.30 Selection musical di merdia  
12.43 Melodias Latino-American  
13.00 Viana Auto Supply Co. ta ofrece "Mundo en marcha"  
o.l.v. Adriana Arends L.  
13.13 Notas Antillanas  
13.30 Melicu canta en su radio  
13.40 Proctor & Gamble presenta su novela "La mujer que compro el amor"  
14.00 Spritzer & Furmann la presenta "Bo concierto diario"  
o.l.v. Adriana Arends L.  
15.00 Complaciendo peticiones di nos oyentenan na exterior  
15.30 Selection di musica popular  
16.00 Mercatus Trading Co. ta presenta "Complacencias y dedicaciones"  
17.00 Felicitando nos oyentenan  
17.30 "Ban partiga den anochi di La Esperanza" o.l.v. A. Croes  
18.00 Mario S. Arends ta presenta Bo orquesta favorita a cargo di "Orquesta Cubia de Sevilla"  
18.30 "Arubaanse Muziekschool"  
o.l.v. Rien Hasselaar  
18.43 Servicio informativo di Gobierno di Antillas Ruinades  
19.00 Viana Auto Supply Co. brings you "News in English" C. P. J. Celaire  
19.13 Concert of popular instrumental melodies  
19.30 La Esperanza Supermarket ta presenta "Economiza comprando na la Esperanza" o.l.v. Croes  
20.00 Viana Auto Supply Co. ta ofrece "Mundo en marcha"  
o.l.v. Adriana Arends L.  
20.13 Exitos di Augustin Lara  
20.30 Colgate-Palmolive presenta su novela "La culpa de los padres"  
21.00 "V.O.A. Listeners' Choice"  
C. P. J. Celaire  
21.35 Our Night Prayer  
21.50 Goodnight Sweetheart  
22.00 Closing

## RADIO VICTORIA

Diamars 26 di Januari

11.30 Apertura  
11.45 E Mundo Femenino  
12.00 Melodias di Merdia  
12.13 Ultimas Noticias  
12.30 World News  
12.45 Concept Hall  
1.30 Sign Off  
1.50 Musica di Banda  
4.15 Ecoman Celestial  
4.30 Cafe con Musica  
4.45 Waltzmas  
5.00 Academia del Aire  
5.15 Palabranza di Bida  
7.00 Noticias Hulandes  
7.15 Kluske Muziek  
7.45 The Bandstand  
8.00 World News  
8.15 Off the Record  
8.30 Back To The Bible  
9.00 Musical Gems  
9.30 Unhatched  
10.15 Hymns that Live  
10.30 Sign Off

## RADIO CARCAS TELEVISION

Martes 26 de enero  
8.20 Marcha Oficial, Himno Nacional  
8.25 Informacion Sobre los Programas del Dia.  
8.30 Pelicula  
10.00 El Calendario de Mama  
10.30 Cosas de Mujeres  
11.15 Femenidades y la Perfecta Ama de Casa  
11.50 Informacion Sobre los Programas del Dia.  
12.00 Gran Show de las 12  
1.15 Amaba  
1.30 El Imparcial TV  
2.00 Cortos  
2.30 Club Femenino  
3.00 Por el Ojo de la Cerradura  
4.00 Estudio d e Hector Montero  
4.30 Pelicula  
5.00 El Show de Benny  
7.15 El Tercer Hombre  
7.30 No Diga Si, No Diga No.  
8.00 El Observador Creole  
8.15 El Precio de la Vida  
8.30 Suspense con Alfred Hitchcock  
9.00 La Jaula de Oro  
9.15 Cortos  
9.30 El Concierto Firestone  
10.00 Por el Mundo de la Cultura  
10.30 Morir es su Ley  
12.00 Marcha oficial  
21.50 Goodnight Sweetheart

## Un surtido NOBO di trabe di

banjo,escogi" marca

ROSE-MARIE REID

and

PALAIS ORIENTAL

Oranjestad - San Nicolas

## ODUBER & KAN



E surtido mas grandi den  
BRIL DI SOLO  
Aruba. Curaçao

## "LA ESFERA"

obtenible na UNION STORE

Mainstreet - San Nicolas

## TOT STRAKS IN

Trocadero

## CEMPRO n.v.

Weyckse - tel. 2444

BLOKKI DI BETON.

Entrega for di nos stock

**AIR-CONDITION YOUR HOME AND OFFICE!**

**BO TA SINTIBO OTRO CU AIREACONDICIONADO NA CAS Y AIREACONDICIONADO NA OFICINA**

Adios calor, adios stof, adios boroto, adios sudor y e ta costa menos di leke bo ta kere

**E ENCANTADORA YVONNE**  
pa TUYUCHI

10.

"Mi ta quere cu aqui na e aldea sobrio, lo bo no tin masha aspiracion cu bo profesion preferi, Yvonne".  
Y el a menciona e nombre Yvonne aqui como si fuera e tabata algu masha delicado.  
"No, gracias a Dios cu no", e mu-cha muhe a responde mientras el a suspirar levemente. "Mi tabatin un periodo masha activo tras di lomba. Mi quier a descansa un paar di siman den un ambiente tranquilo y silencio- so. Masha hopi bez m'a tende cono- cirman di mi ta papia dje luga aqui y ta dje manera ei m'a bin resulta a- qui banda. Mi ta gusta aqui masha tanto y como e unico huesped den e hotel mi ta sinti mi masha importan- te."  
Y aho? Quico bo ta spook aqui banda? Com ta bo number dñan? Frits a moneione su number y e bi- se cu e ta aqui pa su examen di dok- ter. "Y cu aqui tres siman e tin di bai pasa examen."  
E tabata mire cu compasion.  
"Bo ta contra pasamentu di exa- men?"  
E hoben a basha un grito di hari- mentu diciendo:  
"Absolutamente. Larga mi bisa bo cu sinceridad cu hasta mi ta gusta pasa examen. Si rano no? Si bo sabi algo di psicología, bo ta sa unbez mi foutnan den mi caracter".  
"De la manera cu no solamente bo ta un hoben sigur di bo mes, pero

tambe un hende sabidillo?" el a pun- tra cu hari hari.  
El a sagudi cabez. "Si, bo calculo ta preeis. Mi ta gusta di presenta mi ciencia. Mi no tin orgullo den na- da. Mi ta meen si por chemplo mi bai pa examen awor aqui y mi slaag, toch mi no ta sinti mi orgulloso. Pa mi e ta e cos di mas natural di mun- do, pasobra mi mester slaag toch. Te- se ta un mi foutnan di pretendido. Pa mi tur cos hasta di mas difícil ta natural".  
E hoben a lanta para y a bai tuma asiento awor den un dje stulnan di riet cu tabatin den e sala aqui.  
Anto ama dje pension a puntra:  
"Boso ta permiti mi awor na brinda boso cada un sherry?"  
"Cu mi amor", Frits a responde a- nima y Yvonne tambe a sagudi cabez.  
Ora cu e muhe a distancia, e mu-cha muhe a puntra:  
"Mi ta tende cu bo ta studiando formalmente. Esaki quier meen anto cu lo mi por hanja bo mira masha poco?"  
Frits a sinti com e tabata colorizan- do y tabata como si fuera e tabata

flotando ta bai riba nubianan suave color roos manera catuna. Y cu toco di dos amigo cu basta dia caba taba- ta conoce otro el a responde:  
"Mi n' ta quere cu lo mi ta'sina kens di cerra mi curpa enter dia den e cuarto aqui. Mi ta studia solamen- te parti di mainta. Por chemplo ora cu tin tempestad mi ta studia mas largu y propiamente mi no por papia di studiamiento, pero mi ta repitiendo loque mi a sinja caba pa e queda mas tantu den mi memoria. Sinembargo tur loque cu mi mester sa pa mi exa- men mes, ya ta eia caba".  
Un momento nan dos a cesa. Dir- piente a drenta Frits un idea. Ta ma- nera el a hachona su pesadilla.  
"Mi sa algo. Bo no ta mag di cam- na muchu cu e pia di bo ei. Pero mi tin un scooter aqui. Lo nos por a bai hacel un paseo na cualquier caminda mas cerca aqui banda. Tin antiguo ciudadnan chiquito masha strango a- qui banda manera Den Briel etc. Of bo n' ta sinti nada pa corre riba un scooter?"  
Cu un biata devoradora Yvonne a

queda ta mira Frits den su cara su- plicante.  
"Nunca mi n' corre den un scooter, pero mi ta hanja cu esei lo ta un cos sobresaliente. Y weer ta'sina bunita. Mi ta acepta bo proposicion", e mu-cha muhe a bisa cu energia.  
Atrobe tabata parce Frits com, si fuera solo su rayonan tabata mas il- luminante y cu e aroma cu biento tabata manda foi hardin tabata masha deliciosa. Ya e no tabata comprende mucho cos mas di su mes. E n' por a bisa ta quico tabata pasando, awe cun'e. E tabata manera un hende cu a cambia por completo. Tabata como si fuera cu e muchu muhe aqui cu el a topa pa di dos bez den su vida ta- batin dispuesto di cambia su opinion y hacie su esclavo. Frits cu semper tabata asina reserva y mucho serio pa su edad a sinti su lenga ta los a- wor y su curazon ta palpitá cu mu- cho mas regularidad. Un solo sonri- sa di Yvonne a sobresalta Frits por completo.  
Ora cu Frits a bai cu su scooter y a stop esaki dilanti hotel Bellevue,

Yvonne a caba di drenta e porta di salida. E tabatin un jas di lana di ca- mel bistí riba su traje blanco y el a marra un sinta blanco den su cabel. E tabata caminando un poco prudente cu su pia malu, pero di alcu, ora cu el a mira e caballero bon tipo aya fo, e tabata sonrei cun'e.  
Durante e comida den pension Frits a purba di nobo di los su mes contra e influencia fuerte cu e mu-cha muhe aqui tabata haci riba dje, cu tabata parce manera irresistibile.  
Frits no quier a convence pa su mes cu e tabata ciegameente enamora dje-mucha muhe aqui. Y cu e apari- cion dje dama aqui a trece un cambio favorable di bida y luz di solo den su existencia.  
E tabata conoce Lydia anjanan pro- me cu tabata visto p'e cu e tabata stime. Esaki anto tabata logica y aceptable. Pero ta paquico semchante simintionan mester a atake pa un muchu-muhe cu te ajera-tardi ainda e no tabata sabi nada absolutamente di su existencia?  
E ta sigui.



## EL CISCO KID

1. „Bo ta kere anto cu Perla no ta juffrouw di school? Y cu e bandidonan tabata buskel? Posiblemente. Pero tambe mi ta sospecha di sr. Chance... bo a mira su man dreechi? 2. „Kiko? 3. „Shh. Atela la bin. 4. „Boso ta bai pronto, no? 5. „Nos no sabi ainda... E misterio ey ta intriga nos.”



## UAN EL INTREPIDO

1. „Dios gracia cu Blathers a trece boso na tempo, Hazard.” 2. „Bo ta ekivocabo, Lord. Bo secretario Blathers tabata agente di Mal Hugo, pero e no tabata basta sabi.” 3. „Y awor... senjorita Eden... bo por senjala e homber cu a mata Conway cu sanger cruw di lomba?” 4. „Si senjor...”



## DICK TRACY

1. „Bo tin mester di e Flyface ey pa atende asunto?” 2. „Pero mi kier matele.” 3. „Direi si bo kier, pero Flyface no ta un abogado y bo sa csei, Fifth. Bo ta afirma muho pe le, mior bo lubida riba dje.” 4. „E la lagami planta.” 5. „E tin razon, Fifth. Nunca nos a sigui consoho di Flyface toch. Pakiko nos mester su consoho awor?” 6. „Y Fifth ta bisa: „no ta porta mi ta matele toch, ora e bin.” 7. „Esei ta e panjanan?” 8. „Si, mi jioe.”



## RIP KIRBY

1. Otro tira ta bin dal e helm di Triturador e esaki ta cumenza corre... 2. „E tin suerte, awor cu mi a mik bon riba dje e tin un hel mistic.” 3. „Kirby a resusita di inferno y e la trece poco calor cunele. Mior ami tuma fresco.” 4. „E ta bai „El Latigo” Mi mester sigiele...”



## EL PRECIO DEL TRIUNFO

1. „Lalo, mi no quier pensa cu un hende ta vendiendo e secretan di e compania, pero lo no ta promer vez cu esey ta pasa!” 2. „Y unda mi mester hinca mi mes, Sr. Hutchins?” 3. „Sra. Boswor tin razonnan personal pa e no tuma un detective privado...” 4. „Mientras bo tabata aforos ta quere cu nos a hanja e sospecho principal, y nos quier pa bo haci e investigacion! Bo quier a queda y haciele, Lalo?”



## EL DIARIO DE UNA VIDA

1. „Vende of compra, eh?” 2. „Aworochi lo bo no por haci mi rabia, mi jiu!” 3. „Mi ta supone cu bo a gana algun delegado of cu...” 4. „...bo a gana e voto di alcalde Jones den e proximo convencion di e partido...” 5. „eh?”



## PEPITA

1. „Bo tabata sa cu bo mea ta hala?” 2. „Oh, qui problema!” 3. „Warda aki... lo mi bay compra un par nobo den e tienda aki.” 4. „Haci libe, duna mi \$ 20! Nan tin bunita bisilr aqui!” 5. „Pequico mi a habri mi boca!”



## Discusion-Cyprus decisivo den un fase

LONDEN, 25 januari. — E discusionnan oficial tocante Cyprus, cu a drenta un fase decisivo, a cuminsa awe mainta na foreign office na London, entre ministro Lloyd, arzobispo Makarios y dr. Kutchuk. No ta imposible, cu representantnan di Grecia y Turkia lo worde invita pa atende e discusionnan awe tardi.

## Canword a yega Hulanda

SCHIPHOL, 25 januari. — Ajera nochi a yega Schiphol for di Willemstad sr. Canword, kende a firma un contract cu e club di segunda division NEC. El a worde ricibi pa e srnan, Nico Verbeek, presidente di NEC, y Van Helmond, presidente di seccion futbol paga dje club ey, den cual Canword lo encontra dos otro futbolista antillano. Lo e cuminsa traha inmediatamente na Nijmegen como automeur.

Canword lo no hunga den weganan di competicion aida pa NEC, solamente den e weganan di amistad. Ta probable cu lo e hunga den e weganan di competicion di NEC te den e temporada nobo di futbol.

## Prome experimento atomico Frances na Sahara

PARIS, 25 januari. — Circulonnan semper bon informa na Paris, ta bisa cu Francia lo haci su prome experimento cu un bom atomico den Sahara (Norte Africa), na top di un toren di taal, cu lo tin un altura di 100 metr.

Observadornan ta spera inoficialmente, cu e experimento lo worde haci na fin di februari.

Pa prome bez desde fin dje conferencia di mesa rondo, circulonnan ingles di gobierno ta discuti e posibilidad di posponementu di nobo dje fecha di proclamacion di independencia di Cyprus. E fecha aki, cu originalmente a worde buta pa dia 19 di februari, a worde pospone te dia 19 di maart, sperando, cu entte tantu nan lo hanja un arreglo pa e dificultadnan, cu tin relacion cu grandura dje „zonanan di soberania” na Cyprus. Si e discusionnan sigui dura, e proyecto di ley, segun cual e colonia Cyprus ta hanja independencia, lo no por worde aproba na tempu pa parlamento ingles.

## Modernizacion di hopi ley eclesiastico

VATICANO, 25 januari. — Ajera Papa Johannes a efectua apertura dje sinodo di miembronan di clero romano, e prome sinodo dje sorto aki den 500 anja. Observadornan ta spera cu e sinodo, cu lo reuni 3 bisha e siman aki, lo moderniza hopi ley eclesiastico.

Papa a tene un discurso di mei hora den basilica di San Juan di Laterano, na apertura dje sinodo, y el a declara cu „educacion cristian di hubentud” ta esun mas importante dje 8 puntunan riba agenda dje sinodo. Anja pa sa Papa a declara den un carta dirigi na e habitantenan di Roma, cu doel dje sinodo lo ta pa „studia e problemanan di bida espiritual dje creyentenan y cu e leynan eclesiastico mester worde rebiba pa elimina uso incorreto.”

800 diplomaat y funcionario halu eclesiastico, entre cual 29 cardinal, a scucha e discurso di Papa, cual discursa a worde tene un parti na latin y un parti na italiano.

e desagradable incidente, pa asina despus lo bo bini na bo comentario.

Bo accion Sr. Sportrepper, ta pone mi duda di bo seriedad como periodista pasobra den e caso aki bo no a actua imparcialmente.

„Mi ta llega mas leeuw ainda bo ta incapaz di pa e responsable puesto di periodista. Tambe mi kie sabo cu en la vida tur hende ta haci error, pero masha poco hende tin suficiente valor moral pa reconoce esey publicamente.”

de uted atentamente  
LUIS OGENIO  
Manager „Aruba Lions”

## Nota di Nos Sportrepper:

Nos lo no duna comentario largo riba e segundo remitido di Sr. Luis Ogenio, ya cu no ta necesario. Unico cos cu nos ke trece adilanti ta cu den nos parecer no tin justificacion posibel pa e hecho di e remitente como manager di e novena di Lions. Hecho cu ayora pa e publicidad duna na dje ta resalta mas y ta worde mas conoci ainda. Loke sinceramente segun nos no tabata necesario.

Nos no a bai busca e version di e manager di Lions, pasobra no e mes momento y awor y semper nos lo keda cu e opinion cu no tin motibo ni excusa posibel pa e actitud di un manager di e equipo di Little League cu dici di di baha su equipo for di tereno. Y na ki manera!!!

Segun nos pa semehante barbaridad no tin mester di imparcialidad.

Ora cu nos a publica nos nota riba e promer remitido ya nos tabata conecedor di e decision di Oranjestad Little League di SUSPENDE MANAGER OGENIO PA RESTO DI E CAMPEONATO, pero nos no a mira e necesidad di publica e noticia aki. Awor nos ta sinti nos poco obliga di hacie toch, francamente nos ta kere cu no ta necesario di duna mas comentario ya cu e decision di directiva di Oranjestad Little League mcs ta bisa tur cos.

Y cu esaki nos ta hanja cu ta basta riba e incidente cu pa tur hende cu ta sinti algo pa e deporte ta desagradable.

More people buy and enjoy Maxwell House than any other brand!



It's the one coffee with that Good to the Last Drop flavor!

Petrona & Croes

Dakota - tel: 1712-1639

Pa tur sorto di material pa verf